

Khris' Suangphum

CHURCH
of CHRIST
NEW DELHI

Suangphum lepkhitsu loungal suangphum dang kuamah in a lem theita kei, huai suangphum Jesu Khris' ahi - 1 Kor. 3:11

Vol. XXIII. No. 05

Private Circulation

February 2, 2025

Khovel A Teng Himah Lehang

KHOVEL A I HIKEI UH

-Jamson-

Khristiante khovel a teng a khosa himahleh hang khovel a I hikei uhi. Hiai khovel I mun det diing leng ahi samkei. Khualzin lel I hi uh chih I kiphok thak uh deihna in hiai thu tamlou i taklang ahi. Tengden a khosaden diing hileng kilawm awmtak in khovel a naktak in I kikhual ua, leigou luah diing mahbang in hiai khovel ah I lungtang tengteng, I hatna tengteng, I lugsim tengteng seng in khual chitak in I kikhual uhi. Kikhualtak a khosak pen adem hilou in hiai khovel a mikhual leh khualzin I hihlam kiphok louzen a khalam thilte nuaisiah a khovel thilte delhna pen mohpaih I hizaw. Hiai khovel a tengden diing bang a kingaihsutna pen.

Jesu' a nungzuite a diing in hiai bang in ana thum hi, "***Nang amau khovel a kipan na lakkiak diing ngen ka hi kei a, migilou lak ah na hum diing ka chi ahizaw hi. Amau khovel a ahikei ua, kei khovel a ka hihlouh mah bang in. Amau thutak in hihsiangthou in, na thu thutak ahi***" (Johan 17:15-17). Hiai ah Jesu'n kichiantak in amah ate, a nungzuite hiai khovel a hilou ahidhan Pa kiang a athumna ah ana langsak hi. Jesu mah in a nungzuite kiang ah, "***Khovel in nou ahon huat leh nou a hon huat ma in keimah a hon haw khinta chi thei un. Nou khovel a hi le uchin, khovel in amah a a it diing; khovel a kipan kon telkiak zawk ziak in, khovel in nou a hon hua hi***" (Johan 15:18-20) chi'n Jesu nungzuite khovel apan telkiak I hih ziak a khovel a kihilou ahidhan ana gen hi. Huaiziak in Abraham mahbang in Khristiante tuh hiai lei a mikhual leh khualzin lel I hi uhi.

Hebru laikhak gelhtu'n hiai bang in ana gen hi, "***Hiai mi tengtengte'n thilchiamte tangkhin hilou in, himahleh huaite gamlapi a galmuh a na kipahpih hizaw in, lei ah zaw khualzin leh mikhual lel ahi uh chih kithei gige in ginna nei in amaute a sita uhi... 'Hiailai ah zaw khomun kip i nei ngalkei ua, kho hong om diing i zong uh ahizaw hi*** (Heb. 11:13; 13:14). **Peter inleng a laikhak khatna ah Khristiante hiai khovel a mikhual I hihdan chiantak in ana taklang hi** (1 Peter 1:1).

Eite khua leh tui hihna taktak zaw hiai khovel ah hilou in van ah ahizaw hi. I unaua uh Sawltakpi Paul in hiai bang in ana gen hi, "***I khoveng hihna uh van ah ahizaw a; huai a kipan mah in Toupa Jesu Khris' hondampa i ngak uhi***" (Philipite 3:20). **Huaiziak in I khua leh tui hihna taktak uh van ahilam mangngilh**

kei ni hang. Hiai lei ah mikhual leh khualzin I hi ua, a taam lel I hi uhi (1 Peter 1:17).

Hiai lei a mikhual leh khualzin I hihziak un hiai lei a I khualzinna ua laudan siam a om diing a thuhilh in I om uhi. Peter in, "***Hiai lei a na taam lai teng un laudansiam in om un***" (1 Peter 1:17) ana chi hi. **A omdantak ahihleh, hiai mun i tendetna diing mun uh hilou a, mikhual leh khualzin lel i hihman un Pathian leh a thupiakte limsak a, Pathian zah leh laudansiam a khosa diing chih ahi.**

Hiai lei a mikhual leh khualzin i ziak a I mohpuak khat nawn ahihleh khovel duhgawlnate (worldly lusts) lak apan kihepkhiak a taisan diing chih ahi. Hiai lei a mikhual leh khualzin, a taam lel na hi uh chih gelhtu Peter mah in hichin ana chi hi, "***Deihtakte aw, mikhual leh khualzin na hih ziak un kha dou nakpa taksa utnate tawpsan diing in nou ka hon ngen ahi***" (1 Peter 2:11). Khovel duhgawlnate'n I kha dou gige ahihman in taisan a kul hi. Huan, zentelte lak a tatdan kilawmtak a khosa a, thil hoih hih a kidim a om tuh lei a mikhual leh khualzin I hihna a I mohpuak uh ahi (1 Peter 2:12).

Hiai lei ah zaw mikhual leh khualzin lel I hi uh. A taam zual lel I hihman un hiai khovel a I hikei uhi. Khatveitei I mun det diing zuan a pai diing I hi uhi. **Huaiziak in hiai lel a I taam sung in omden diing bang a kingaihsun mailou in khualzin bang in I om diing uh. Pathian laudansiam a om in I kha dou gige khovel duhgawlnate taisan in Pathian pahtawi a om theihna diing in ginglou mite lak ah tatdan kilawmtak a om in thil hoih hih ah I phatuamngai nawnsem diing uhi.**

PLACE OF WORSHIP
Yusuf Sadan, Secred Heart
Cathedral, Ashoka Road,
Delhi - 110001
Phone No. 9953968807
website : www.cocdelhi.org

'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'

Enkaitu : Jamson Guite

BIBLE CLASS

Class	Teacher
Adult	: Siam Muan & Sianno
Inter.	: Jamson
Primary	: Robert & Niangpal
Beginner	: Biakkim & Rosely

TOUPA NI' THILPIAK

Date 26.1.2025 = 59,390/-

LAIANGTHOU TANGTEL

"A thilhih thupi ziaak in Amah phat unla;
a thupi mahmah dan bang in amah phat un!" Sam 150:2

THU TUAMTUAM

THU TUAMTUAM

Biakna Hunzeek

Toupa' Ni

Date 02.01.2025

Hun-uk thumna : Janglet
Lapi : Thongsiangdong
Thilpiak : Lamsuanmung
Theihgigena : Lang James
Thugen : Kamkhenthang
Thumna : Joseph Suantak

Midweek online Bible Class

Date 05.02.2025

Thumna : Jangthang
Sinsaktu : Lindell Mitchell
Thumna : Robert

Kiginni

Date 08.02.2025

Hun-uk thumna : Kammuanlal
Lapi : Thongsiangdong
Thugen : Jangminthang
Thumna : Gin Samuel

Toupa' Ni

Date 09.02.2025

Hun-uk thumna : Kammuanlal
Lapi : Thongsiangdong
Thilpiak : Ginlian
Theihgigena : Thongginlian
Thugen : Kamkhenthang
Thumna : Khamminthang

PANPIHNA KIPIA

Phuaijang khua a teng unaunu Niangngaihman in damlouhna khoktak ana tuah ziaak in Delhi a Saptuamte'n unaunu panpihna in sum teng 20,000 kipia a unaute leng kipak petmah uhi. Unaunu ahiehleh kalna, zumkhum sang leh BP sang nei a damlou a om ahi. Damna hoihtak ahon neih i dehsak mahmah uhi.

HONGTUNG KIKTA UH

Tuma lam a innkuan leh mimal vai a poimohna tuamtuam ziaak a Lamka lam a va pai unaunu Ngiahlan leh a tanu Tiffany Hoihsang damtak in Delhi hongtung nawnta uhi.

A innkuante toh hun zang diing a Mizoram a va pai unaunu Niangngaihman leng kal paita sung in damtak in hongtung kikanawnta hi.

Sepna toh kisai a meeting poimoh neih ziaak a Goa leh Mumbai lam a va zin unaupa Thongsiangdong leng Pathian ompihna toh damtak in Delhi hongtung kikanawn thei hi. Khualzinte dam a hongtun siausiau theihman un kiphahuai i sa uhi.

KANGPOKPI LAM AH

Unaupa Khupmang kal paita sintawpni in Kangpokpi lam a unaupa Sengkeng veh diing leh polam mite toh Bible class nei diing in ana zinkhia hi. Lamzangtak leh lohchingtak a hunte ava zat theihna diing in i thumnate uah i phawk diing uh.

TUTKHAWMNA OM

Kal paita Toupa ni biakna zoh in nipi skul sinsaktu teng leh enkaitute'n Nipi skul vai a kikhupkhawmna ana nei uhi. Hiai hun ah sinlai diing leh class pai diing dante genkhawm uhi.

DELHI NCR AH HONG KISUAN

Training a Lucknow a va om unaupa Pauminlun tunai zek in Delhi NCR ah hong kisuan hi. Huai mun ah kha 6 vel om thei diing hihtuak. Kal tawp teng in hong pai theizelta diing hi.

NGAPLOU UH

Thanglemlal leh Thangliansang sungkhoh leh khosik ziaak in ngaplou in kal paita seppatni zan apan in ana om ua school leng ni thum lam ana kai zoulou uhi. Tu'n bel damsangta uhi.

Unaupa L. James leng kal paita sung in santen, zunkhum sang leh lu na chihthe ziaak in ana buai mahmah. Aman leng Pathian ompihna toh hoihzaw deuhta hi.

Unaute Kammuanlal leh Siamkhanmuan leng hitang khosik ziaak in ngaplou in ana om uhi. Amau gel leng Pathian panpihna toh a hoihlan hita uhi. Damloute'n damna hoihzaw ahon neih ziaak un i kipak uhi.

LUNGDM THUGENNA

Khrist sisan jiaka nau itte'n ka loinu unn. Niangngaihman in damlouhna nasatak a tuahlai a, ka kinep phak hetlouh lai ua Delhi a Saptuamte'n na hehpihna uh leh dehsakna zaal a panpihna manpha leh liantak nong piak ziaak un kisuanlah kom leh kipahna lianpi toh lungdamthu kong gen uhi. Tua bek thamlouhin thumna manpha a non phokna jiak ua kidon theilai a ka om jiak un zong kipah thu kong gen sawnsawn uhi.

Nong panpihna thilpiak manphatak ka dong man un kipak law mahmah kahi uh cih i news uh Khris Suangphum tungtawn in navek ua tungah kipah thu kong gen uhi. Lungkham mangbangte leh panpih ngaita panpih tou theijel di'n i biak Pa Pasian in maban ah leng Saptuamte a vualjawlna in hong vukjel hen chih ka thumna uh ahi. Ka kipak lua uhi.

Khrist a na nau uh.
Khampi leh a Innkuante, Phuaijang